

Sarajevo, 28.09.2018.g.

Poštovani,

MEG projekat je za predstavnike i predstavnice partnerskih općinskih/opštinskih komisija za ravnopravnost spolova, u Sarajevu 10.09.2018.g. održao obuku na temu "Uključivanje principa ravnopravnosti spolova na lokalnom nivou".

Obuka, kojoj nažalost nisu prisustvovali predstavnici svih MEG partnerskih JLS, imala je za cilj analizu rodne ravnopravnosti na lokalnom nivou i uloge komisija za ravnopravnost spolova u promicanju jednakih prava i mogućnosti za žene i muškarce. Tokom prezentacija i diskusije, istaknut je značaj promocije ravnopravnosti na lokalnom nivou, prije svega kroz segmente zapošljavanja, dodjele poticaja i promovisanja uloge žena u radu lokalnih zajednica.

Također, kao ključno pitanje istakla se potreba za jačanjem kapaciteta općinskih/opštinskih komisija za ravnopravnost spolova, prije svega kroz sistematsko planiranje aktivnosti, izradu planova rada i odgovarajuće budžetiranje. Osim toga, naglašena je i potreba za izradu praktičnog uputstva za kreiranje rodne analize i razvoj lokalnih gender akcionih planova.

S tim u vezi, MEG projekat je podržao izradu dokumenta „**Smjernice: Kako integrisati princip ravnopravnosti spolova na nivou jedinice lokalne samouprave u Bosni i Hercegovini?**“, koju Vam šaljem u prilogu. Same Smjernice bi trebale doprinijeti razvoju rodne statistike i analize, te usmjeravanju rada komisija za ravnopravnost spolova u cilju strateškog djelovanja na unaprjeđenju ravnopravnosti žena i muškaraca u lokalnim zajednicama.

Ovom prilikom bih Vas zamolio da iste dostavite svim članovima i članicama Vaše općinske/opštinske komisije za ravnopravnost spolova.

U narednom periodu MEG projekat će se baviti analizom poslovnika, odnosno statuta svih partnerskih jedinica lokalne samouprave, sa aspekta njihove usklađenosti sa Zakonom o ravnopravnosti spolova u BiH, te dati odgovarajuće preporuke. Cilj nam je unaprijediti lokalne propise kako bi isti odražavali interese oba spola i samim time, integrisali međunarodne i domaće standarde iz ove oblasti.

Još jednom Vam se zahvaljujem na dosadašnjoj veoma uspješnoj saradnji po MEG projektnim aktivnostima, te se iskreno nadam da će se naša pozitivna saradnja nastaviti i u budućnosti.

Srdačan pozdrav,

Goran Štefatić

rukovodilac projekta